

26ain o Awst 2020

Annwyl Gyngorydd,

Gwysir chwi i gyfarfod o Gyngor Tref Frenhinol Caernarfon i'w gynnal Nos Fawrth, 1af o Fedi 2020 am 6.00 o'r gloch yr hwyr.

Oherwydd Covid-19 bydd y cyfarfod yn cymryd lle o'ch cartref, ar lein drwy ddefnyddio system "Zoom".

Bydd gwahoddiad ffurfiol i'r sustem trwy "Zoom" yn cael ei anfon atoch cyn gynted ag y bo'n ymarferol.

Yn gywir,

**Sion Wyn Evans
Clerc y Dref**

Rhaglen

- 1.Ymddiheuriadau**
- 2.Cyhoeddiadau'r Maer**
- 3.Datgan Buddiant Personol**

4. Eitemau Brys (Cadeirydd/Clerc). Er gwybodaeth neu i'r Clerc weithredu. Ni chaniateir penderfyniadau

5. Cofnodion

I gadarnhau y cofnodion canlynol (yng nghefn y rhaglen):-

- (i) Cyfarfod Blynyddol, 7fed o Orffennaf 2020 (**Atodiad Gwyrdd**).
- (ii) Cyngor Llawn, 7fed o Orffennaf 2020 (**Atodiad Gwyrdd**).
- (iii) Pwyllgor Gwaith, 14eg o Orffennaf 2020 (**Atodiad Glas**). (**Eitem Eithriedig**).
- (iv) Pwyllgor Personél, 16eg o Orffennaf 2020 (**Atodiad Coch**). (**Eitem Eithriedig**).
- (v) Cyfarfod Arbennig o'r Cyngor Llawn, 23ain o Orffennaf 2020 (**Atodiad Gwyrdd**).
- (vi) Cyfarfod Arbennig o'r Cyngor Llawn, 6ed o Awst 2020 (**Atodiad Gwyrdd**).

6. Cyfrifon

I gymeradwyo y biliau rhoddion a chyflogau i'w talu.

7. Cyfrifon Incwm a gwariant a chysoni cyfrifon

8. Adroddiad Blynyddol 2019/20

Cyflwyno'r Adroddiad Blynyddol drafft ar gyfer 2019/20 (Copi ynghlwm).

9. Cynnal Tiroedd

Cyflwyno gwybodaeth o ran y cynlluniau ar gyfer Cynnal Tiroedd yng Nghaernarfon (Copi ynghlwm).

10. Clwb Cymunedol Caernarfon

Cyflwyno taenlen o'r niferoedd a'r gweithgareddau yng Nghlwb Cymunedol Caernarfon (Copi ynghlwm).

11. Polisi Baneri

Cyflwyno Polisi Fflagiau drafft i'w fabwysiadu gan y Cyngor (copi ynghlwm).

12. Adeilad yr Institiwt

Gofyn am farn yr aelodau o ran pryd i gynnal cyfarfod y Cyngor Llawn yn Adeilad yr Institiwt unwaith eto.

13. Gwefan y Cyngor

Cyflwyno adroddiad yn cyflwyno opsiynau o ran gwefan y Cyngor (Copi ynghlwm).

14. Oergell i Barlwr Y Maer

Gofyn am ganiatâd y Cyngor i brynu oergell ar gyfer Parlwr Y Maer.

15. Noson Tân Gwyllt

Gofyn am farn y Cyngor o ran a ddylid parhau gyda'r Noson Tân Gwyllt eleni, yn sgîl Covid-19.

16. Codi tal am fynediad i'r Wyddfa

Cyflwyno Cynnig i Gyfarfod Cyngor Cymuned Llanllyfni, ar yr 11ed o Awst, 2020 o ran codi tâl am fynediad i'r Wyddfa (copi ynghlwm).

17. Cystadleuaeth Garddio

Cyflwyno diweddariad am y Gystadleuaeth Garddio.

18. Rhybuddion o Gynnig

Cyflwyno'r Rhybuddion o Gynnig canlynol:

Y Cynghorydd E.R.Hughes:

(1) Fflatiau yn Nhre Gof a Phendalar

“Mae genna’i bryder am y bobol pregus sy’n byw yn y Fflatiau yn Nhre Gof a Phendalar.

Mae’r ynni mae nhw yn ei ddefnyddio yn ddrud. Economy 7 sy’n cael ei ddefnyddio. Tydi hwn ddim yn addas i bobl sydd ar cyn lleied o bres.

Mae genna’i rhai pobl ifanc dwi’n gweithio hefo nhw byth gyda gwres oherwydd mae’n anodd i’w ddeall ac yn ddrud i’w redeg.

Rwy’n gobeithio cael sgwrs gydag ADRA i weld beth fuasai nhw’n gallu ei gynnig, efo help y Cyngor.”

(2) Biniau

“Rwyf wedi cael cwynion bod biniau ar draws y ffrynt o’r Anglesey ymlaen i’r Eglwys ddim yn dod yn ôl blwyddyn yma.

Mae hyn wedi cael ei ddweud gan Ymddiriedolaeth yr Harbwr.

Mae llawer o faw ci yno, hefyd y gwydrau plastic yn chwythu i’r mor.

A fuasem yn gallu holi be sydd yn digwydd gyda’r biniau i sirhau bod y lle cael ei gadw yn daclus i bawb.”

Y Cynghorydd Maria Sarnacki:

Rwy’n siŵr eich bod wedi clywed a gweld y lluniau o’r broblem a gawsom yn ddiweddar gyda faint o sbwriel sydd ar ôl ar hyd ochr y cei ac o amgylch y dref.

Yn gyntaf, hoffwn ddiolch i Cyng Ioan Thomas am ddelio â mater sbwriel ar hyd y promenâd ac i gyngor Gwynedd am eu hymateb prydlon i glirio'r llanast.

Hoffwn gyflwyno cynnig:

“Cynigiaf ein bod fel Cyngor Tref yn mynd at Gyngor Gwynedd a Keep Wales Tidy, i edrych ar ffyrdd gwell o reoli'r broblem hon, ac i weld a allwn gynnig rhai syniadau, a chydweithio.

Efallai gwell arwyddion neu ymgyrch, fel Keep Caernarfon Tidy / Cadwch Caernarfon yn Daclus. Mae hefyd yn frawychus nad yw Ymddiriedolaeth yr Harbwr wedi rhoi'r biniau yn ôl ar hyd y promenâd.

Rwy'n teimlo bod pandemig eleni wedi cael effaith mawr ar ein twristiaeth, ac rydym wedi gweld cynnydd yn y twristiaid i'n cefn gwlad hardd wrth i bobl ddewis aros yn lleol ac o fewn y DU, ac yn dewis Caernarfon ac Eryri am eu gwyliau.

Rwy'n teimlo y bydd yr un peth y flwyddyn nesaf ac mae angen i ni fod yn barod am hyn.”

Y Cynghorydd Eleri Lovgreen:

“Fel cynrychiolydd y Cyngor ar y grŵp Cyswllt Canol Trefi, credaf fod angen i'r Cyngor helpu busnesau'r dre drwy adael iddynt wybod pa gymorth sydd ar gael iddynt. Hoffwn gynnig felly bod y Cyngor yn cynhyrchu taflen wybodaeth gryno yn rhestru'r ffynonellau cymorth sydd ar gael.

Gallai'r daflen gael ei dosbarthu gan y cynghorwyr, er mwyn dangos cefnogaeth y Cyngor i fusnesau'r dre yn y cyfnod anodd hwn.”

Y Cynghorydd Ann Hopcyn:

“Mae'r Cyngor Tref yn galw ar Gyngor Gwynedd i weithredu mesurau i ddeilio gyda gweryslla anghyfreithlon (mewn faniau gweryslla, yn bennaf) fel a welir ar Y Foryd yn gyson.”

19. Cwestiynau